

EL BAUTISMO DE LOS NIÑOS

Instrucción de la Sagrada Congregación para la Doctrina de la Fe
de 20 de octubre de 1980

I

TEXTO DE LA INSTRUCCION *

Sacra Congregatio pro Doctrina Fidei

INSTRUCTIO DE BAPTISMO PARVULORUM

PROEMIUM

1. Pastoralis actio ad parvulorum baptismum spectans magnum adiumentum accipit a promulgatione Libri Ritualis qui apparatus est secundum normas directorias Concilii Oecumenici Vaticani II¹. Non tamen penitus dispulsae sunt difficultates, quibus christiani parentes atque pastores afficiuntur ob illam rapidam societatis mutationem, quae fidei educationem atque perseverantiam iuvenum arduas reddit.

2. Multi enim parentes animo anguntur cum filios fidem et sacramentorum suspensionem deserere vident, quamquam eis christianam educationem tradere conati sunt; nonnulli vero pastores ex se quaerunt, num severiores esse debeant, antequam parvulos ad baptismum admittant. Sunt qui optabilius existiment ut parvulorum baptismus differatur, donec compleatur plus minusve protractus catechumenatus; alii vero postulant ut doctrina de necessitate baptismi —saltem quod ad parvulos attinet— iterum expendatur atque exoptant ut baptismi celebratio differatur ad eam aetatem, qua quis per se sponsonem facere possit, immo etiam ad ineuntem adultam aetatem.

Attamen haec nova instituta quaestio de tradita pastoralis disciplina sacramentali legitimum nimirum timorem in Ecclesia suscitatur, ne in discrimen adducatur doctrina tam capitalis momenti, qualis est doctrina de necessitate baptismi; multi autem parentes scandalizantur cum recusari vel differri cernant baptismum, quem ipsi, sui officii plene conscii, pro suis infantibus petant.

3. Quae cum ita sint, utque responsum detur multis ad se directis petitionibus, S. Congregatio pro Doctrina Fidei, consultis nonnullis Episcoporum Conferentiis hanc Instructionem praeparavit. Per eam sibi proponit in mentem revocare primaria de hac doctrinae capita, quibus tam firma per saecula Ecclesiae praxis legitima probetur atque non obstantibus hodie exortis difficultatibus, eius perpetua vis ostendatur. Indicabit denique nonnulla summa lineamenta actionis pastoralis.

* AAS 72 (1980) 1137-1156.

¹ *Ordo baptismi parvulorum*, ed. typica, Romae, 15 maii 1969.